

“ТАСДИҚЛАЙМАН”

Тошкент давлат иқтисодиёт
университети ректори, профессор

Шарипов К.А.

2021 йил



“ТАСДИҚЛАЙМАН”

Ўзбекистон Республикаси
Жамоат хавфсизлиги
университети бошлиғи,
профессор

Рустамбаев М.Х.

2021 йил



Тошкент давлат иқтисодиёт университети “Иқтисодий хавфсизлик”,
“Фундаментал иқтисодиёт”, “Солиқлар ва суғурта иши”, “Молия”
кафедралари ва Ўзбекистон Республикаси Жамоат хавфсизлиги университети
“Иқтисодий фанлар” кафедраси ўртасида тузилган
ҲАМКОРЛИК ШАРТНОМАСИ

Тошкент шаҳри

2021 йил “22” декабрь

Ўзбекистон Республикасининг “Таълим тўғрисида”ги Қонуни, Ўзбекистон Республикаси Президентининг 2020 йил 29 октябрдаги “Илм-фанни 2030 йилгача ривожлантириш Концепциясини тасдиқлаш” тўғрисидаги ПФ-6079-сонли фармони ва 2019 йил 8 октябрдаги “Ўзбекистон Республикаси Олий таълим тизимини 2030 йилгача ривожлантириш концепциясини тасдиқлаш тўғрисида”ги ПФ-5847-сонли фармонига мувофиқ, бир томондан Тошкент давлат иқтисодиёт университети (кейинчалик матнда “ТДИУ”) “Фундаментал иқтисодиёт” кафедраси мудири и.ф.н., доц. Б.Д.Хажиев, “Молия” кафедраси мудири, и.ф.д., доц. Х.Х.Худойкулов, “Иқтисодий хавфсизлик” кафедраси мудири, и.ф.д., доц. Б.О.Турсунов, “Солиқлар ва суғурта иши” кафедраси мудири, и.ф.д., доц. Б.К.Тухлиев ва иккинчи тарафдан Жамоат хавфсизлиги университети “Иқтисодий фанлар” кафедраси (кейинчалик матнда “ЖХУ”) бошлиғи и.ф.д., проф. Ж.Ж.Урмонов билан ўзаро ҳамкорлик қилиш мақсадида тузилади.

I. ШАРТНОМАНИНГ ПРЕДМЕТИ ВА МАҚСАДИ

Жамоат хавфсизлиги университетида ўқув жараёни, ўқув-услубий, маънавий-маърифий, ташкилий-услубий ва илмий-тадқиқот ишларини самарали ташкил этишни такомиллаштириш ва ривожлантириш, фан ютуқларини амалиётга жорий этиш, кадрлар тайёрлаш ва қайта тайёрлаш ҳамда малакасини ошириш, янги ўқув қўлланмалар, ўқув-услубий кўрсатмалар, дастур ва дарсликларни ҳамкорликда тайёрлаш, илмий-тадқиқотларни ҳамкорликда ўтказиш, амалга ошириш, амалиётга қўллашга кўмаклашиш, таълим йўналишларига мос инновацион ишланма ва илғор тажрибалар борасидаги илмий ишланмаларни амалиётга қўллаш, олий таълим муассасалари ўртасида ҳамкорлик ва ва узлуксизликни таъминлаш ҳамда унинг самарадорлигини ошириш ушбу Шартноманинг мақсади ҳисобланади.

II. ТОМОНЛАРНИНГ МАЖБУРИЯТЛАРИ

Тошкент давлат иқтисодиёт университетининг мажбуриятлари:

2.1.1. Жамоат хавфсизлиги университетида ўқув жараёни, ўқув-услубий, маънавий-маърифий, ташкилий-услубий ва илмий-тадқиқот фаолиятни ташкил этиш, такомиллаштириш ва ривожлантиришга илмий-услубий, ташкилий ва амалий ёрдам бериш ва ҳамкорлик қилиш;

2.1.2. Меъёрий-ҳуқуқий ҳужжатларга мувофиқ ЖХУда тайёрланадиган барча мутахассисликлар бўйича Давлат таълим стандартлари, ўқув режалари ва дастурларини экспертизадан ўтказиш, уларни амалга жорий этишни ўрганиш ва тегишли ташкилий-услубий ёрдам бериш;

2.1.3. ЖХУдаги “Иқтисодий фанлар” кафедрасида ўқитиладиган фанларидан ўқув режалари ва дастурларига мувофиқ фанлар бўйича ўқув адабиётлари, ўқув-услубий мажмуалар ва ўқув-дидактик материаллар ишлаб чиқиш ва уларни ўқув жараёнига жорий этишга амалий-услубий ёрдам бериш;

2.1.4. ЖХУнинг профессор-ўқитувчилари малакасини ошириш, хусусан, уларнинг илғор таълим технологиялари ва ахборот-коммуникация воситаларидан таълим-тарбия жараёнида самарали фойдаланиш кўникмаларини ривожлантиришга амалий ёрдам кўрсатиш;

2.1.5. ЖХУнинг иқтидорли курсантлари ва талабаларини танлаш ва уларни илмий-тадқиқот фаолиятига жалб этишга, уларнинг илмий-тадқиқот ишлари натижаларини ТДИУ илмий журнали ва бошқа илмий манбаларида чоп этишга кўмаклашиш;

2.1.6. ЖХУ ўқитувчиларини, хусусан, ёш иқтидорли педагогларни илмий-изланувчанлик жараёнига фаол жалб этиш мақсадида, кафедра ўқитувчиларини илмий-тадқиқот билан шуғулланишлари ва келгусида фан докторлари тайёрлашга (жумладан мақсадли асосда) кўмаклашиш;

2.1.7. ЖХУ ўқитувчилари ва курсантларига ТДИУ Ахборот-ресурс марказидан фойдаланишга имконият яратиш;

2.1.8. ЖХУда илмий-услубий ва илмий-амалий конференциялар ва семинарлар ташкил этишга, ЖХУнинг халқаро ўқув ва илмий-тадқиқот алоқаларини шакллантириш ва ривожлантиришга, профессор-ўқитувчилар, курсант ва талабаларларни халқаро илмий ва ўқув грантларида иштирок этишларига кўмаклашиш;

2.1.9. ЖХУда маънавий-маърифий ишларни ташкил этиш, курсант ва талабаларни бўш вақтларини унумли ташкил этиш, курсантларда она Ватанга муҳаббат ва садоқат, миллатимиз, динимиз ва тарихимизга ёт бўлган турли иллатларга қарши мустақкам иммунитет ҳосил қилишга қаратилган чора-тадбирлар ташкил этишга амалий ёрдам кўрсатиш;

2.1.10. ЖХУ таклифига мувофиқ ТДИУ профессор-ўқитувчиларини ЖХУда ўтказиладиган Якуний Давлат аттестациялари аъзолиги (раислиги)га ўрнатилган тартибда жўнатиш;

2.1.11. Келишувларга мувофиқ ТДИУнинг етакчи мутахассисларини ЖХУда ўқитиладиган иқтисодий фанлар йўналиши бўйича тегишли фанлари мавзуларидан намунавий машғулотлар, мастер-класслар ўтказишга жўнатиш;

2.1.12. ЖХУнинг ахборот-ресурс таъминоти ва моддий-техник салоҳиятини такомиллаштириш ва ривожлантиришга кўмаклашиш, ТДИУнинг Ахборот-ресурс маркази, Ахборот технологиялари маркази ва Инновацион таълим технологиялари марказидан ЖХУ эҳтиёжларига мувофиқ фойдаланишга имконият яратиш ва бошқалар.

Жамоат хавфсизлиги университетининг мажбуриятлари:

2.2.1. ЖХУда ўқув жараёни, ўқув-услубий, маънавий-маърифий, ташкилий-услубий ва илмий-тадқиқот ишларини самарали ташкил этиш, такомиллаштириш ва ривожлантиришга кўмаклашиш мақсадида ТДИУ томонидан сўралган ҳужжатлар ва материалларни ўз вақтида етказиб бериш;

2.2.2. Ҳамкорликда яратилаётган ўқув адабиётлари, ўқув-услубий мажмуалар ва ўқув-дидактик ишланмаларни ЖХУ ўқув жараёнига тадбиқ этилишини ўрганиш,

экспертизадан ўтказиш ва уларни янада такомиллаштириш мақсадида, ТДИУ профессор-ўқитувчилари ва мутасадди ходимларини турли ишчи гуруҳлар ва комиссиялар таркибига жалб этиш;

2.2.3. ТДИУнинг малакали профессор-ўқитувчиларини ЖХУ ўқув жараёнига жалб этиш;

2.2.4. ТДИУ профессор-ўқитувчиларини ЖХУда ўтказиладиган Якуний Давлат аттестациялари аъзолиги (раислиги)га таклиф этиш;

2.2.5. ЖХУда ўтказиладиган тадбирлар, давра суҳбатлари, семинар ва конференцияларга ТДИУ профессор-ўқитувчиларини таклиф этиш;

2.2.6. ТДИУ ўтказиладиган тадбирларда қатнашиш;

2.2.7. ТДИУ етакчи мутахассисларини тажриба алмашиш мақсадида ЖХУда ўқитилаётган иқтисодий фанлар йўналиши бўйича намунавий машғулотлар, очик машғулотлар ва мастер-класслар ўтказишга таклиф этиш.

III. ШАРТНОМАНИНГ МАҲСУС ШАРТЛАРИ

3.1.1. Шартнома бўйича томонлар мажбуриятларини бажариши борасида юзага келадиган низоларни ўзаро келишув орқали ҳал этадилар. Ушбу Шартнома икки нусхада тузилди ва имзоланган вақтдан бошлаб 3 (уч) ўқув йили давомида кучга эга бўлади.

3.1.2. Шартномага тарафларнинг розилиги билан ўзгартириш ва қўшимчалар киритилиши мумкин ҳамда тарафларнинг келишувига кўра муддатидан олдин тугатилиши мумкин.

3.1.3. Амалга оширилиши маълум молиявий ресурсларни жалб қилишни тақозо этадиган айрим вазифаларнинг ижросини ташкил этиш мақсадида Университет ва ЖХУ ўртасида ўрнатилган тартибда қўшимча равишда тегишли шартномалар тузилади.

IV. ТОМОНЛАРНИНГ ЮРИДИК МАНЗИЛЛАРИ

Манзил: Тошкент шаҳар, Ислом
Каримов кўчаси 49 уй
Тел: 998-71-239-28-53;
Факс: 998-71-239-41-23
Индекс: 100174

Манзил. Тошкент вилояти, Зангиота
тумани, Чорсу кўрғони
Тел: 998-71-230-32-71
Факс: 998-71-230-32-50
Индекс: 100211

ТДИУ “Фундаментал иқтисодиёт”
кафедраси мудири, и.ф.н., доцент.

“22” 12 2021 йил
Хажиев Б.Д.

ТДИУ “Молия” кафедраси
мудири, и.ф.д., доцент.

“22” 12 2021 йил
Худойкулов Х.Х.

ТДИУ “Иқтисодий хавфсизлик”
кафедраси мудири, и.ф.д., доцент.

“22” 12 2021 йил
Турсунов Б.О.

Ўзбекистон Республикаси
Жамоат хавфсизлиги
университети “Иқтисодий
фанлар” кафедраси бошлиғи,
и.ф.д. проф.

“22” 12 2021 йил
Ж.Ж. Урмонов

ТДИУ “Солиқлар ва суғурта
иши” кафедраси мудири,
и.ф.д., доцент.

“22” 12 2021 йил
Тухлиев Б.К.